

靈寶領教濟度金書卷

六十三之
六十四

發五

靈寶領教濟度金書卷之六十三 六十四同卷

洞微高士開光救苦真人竊全真授

靈寶通玄弘教水南先生林靈真編

科儀立成品 淨供合用

大獻自然朝儀

步虛 道二十八戶

與身香 燒香頌 各禮師存念如法

三官火 旦衛靈呪

五靈列位 煥鎮五方 始皇護魂 丹老衛形

皓靈侍鯢 黑帝攝生 中央黃帝 統禦萬真

元皇誥下
幽夜開光
罪消北府
名列南昌

金籙定籍
玉字除殃
朱陵鍊質
飛神太蒼

三官九府
无極神鄉
普受開度
上生天堂

和與道合真

鳴法鼓二十四通

發五

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝闕啓玄壇天帝神君當召此間土地里

域真官正神急上關啓臣今奉為入意以今

陛壇行道願得

玉清道氣靈寶妙光下降流入臣等身中即使玄壇清淨內外成真天无氛穢地絕袞塵琳琅振響十方肅清萬魔不干真誠上徹令

臣所啓之誠速達徑御

太上无極大道至真玉皇上帝御前

請稱法位

具位臣某今故燒香願以是功德奉爲十方三界六道四生萬類窮魂三途滯爽飛潛動植一切衆生皈身皈神皈命

十方无上至真靈寶自然大道乞

原赦前生今世生死宿罪重過得免離三惡
之道五苦八難九厄之中臣等身得道真飛
行虛空白日升天侍衛道君逍遙

无上七寶自然宮殿永與道合所啓玄感應

發五

聲上御

至真无極道前

禮方

志心皈命禮

北方无極太上靈寶天尊

志心皈命禮

東方无極太上靈寶天尊

志心皈命禮 南方无極太上靈寶天尊

志心皈命禮 西方无極太上靈寶天尊

志心皈命禮 東北方无極太上靈寶天尊

志心皈命禮 東南方无極太上靈寶天尊

志心皈命禮 西南方无極太上靈寶天尊

志心皈命禮 西北方无極太上靈寶天尊

志心皈命禮 上方无極太上靈寶天尊

志心皈命禮 下方无極太上靈寶天尊

法師長跪宣坐懺

臣法衆等志心皈身皈神皈命

十方无極大道太上靈寶天尊懺悔普天率
土中國外夷六趣冥靈三途滯爽胎卵濕化
鱗甲羽毛喙息跂行蛸翹蠢動无边无極一
切衆生及臣法衆等自從无始以來至于今
日或犯三業大罪積若丘山十惡深愆盈猶
次五
巨海並乞蕩除皆願宿債疏澄舊寃披散咸
得解脫永離輪迴升入无爲克辭有漏臣等
身入至仙會道合真神合真寂洞入自然性
命合道玄會无爲志心稽首禮謝
六
无上至真三寶

三啓頌

樂法以為妻
愛經如珠玉
持戒制六情

念道遣所欲
淡泊正氣停
蕭然神靜默

天魔並敬護
世世享大福

又

鬱鬱家國盛
濟濟經道興
天人同其願

縹緲入大乘
因心立福田
靡靡法輪升

七祖生天堂
我身白日騰

又

大道洞玄虛
有念无不契
鍊質入仙真

遂成金剛體

超度三界難

地獄五苦解

悉歸太上經

靜念稽首禮

三禮

臣等志心稽首禮

太上無極大道

臣等志心稽首禮

三十六部尊經

臣等志心稽首禮

玄中大法師

重稱法位

具位臣某與臨壇官衆等謹同誠上啓

太上无極大道元始天尊太上道君太上老
君无上玄老十方已得道大聖衆至真諸君
丈人三十六部尊經玄中大法師天師君上
相上宰四司五帝三界官屬一切真靈臣聞

發五

四

元始垂科提群靈於苦海虛皇出教躋萬品
於迷途九清涵德雨之華三洞布祥煙之蔭
金籙白簡乘晨而幽壑光明玉匱丹章扣夜
而寒庭廓朗上極无上高拱彌高生生密贊
於乾坤化化潛資於經緯帝張慧日開光龍

漢之初師衍宗風濟度鶴鳴之後人天咸仰
今古攸遵臣等職忝玄階身依洪化丹青證
誓期宣德以承符金石徽盟庶憲天而宏道
況奉詞旨敢不上聞齋意齋主某夙陶靈澤
幸際昌辰覩玄運之流行喜赤書之煥爛筵
開大獻徼千真回施之恩誠罄小心冀萬類
普沾之惠超祖宗之億劫和冤累於千生集
福家庭流祥眷序星壇顯設徼三極之靈光
霞笈敷揚召十華之梵炁九鳳來翔而門開
甘露六龍普變而厨啓飛雲東華摧黑鬱之

幽南上啓朱陵之耀普提有識共證無爲尚
慮六道四生三途五苦業機自織終天輪轉
以無停罪網高張極地循環而莫已非賴提
携之賜曷彰解脫之期欲望皇極垂慈蒼穹
錫宥降丹綸而赦過落滅惡根煥紫綵以除
愆疏澄善性削塵非於集簿蕩妄垢於玄曹
身近天階有侍衛送迎之喜神離幽禁无拘
留逼合之憂享六合之瓊羞沐三晨之靈景
逍遙碧落常臻福慶之期遊宴清虛永際太
平之運神形俱妙衣食自然遂齋主懇切之

誠副大道慈悲之願所有真符謹當告下

告符

飛空步虛頌

關發

十二願

一願乾坤明素

二願氣象清玄

三願聖人萬壽

四願化洽八埏

五願天垂甘露

六願地發祥煙

七願四時應候

八願萬物生全

九願家多孝悌

十願國富才賢

十一願齋功廣被

十二願善瑞日臻

存神復爐

香官使者左右龍虎君侍香諸靈官當令臣
建齋之所自然生金液丹碧芝英百靈衆真
交會在此香火爐前今臣學道得道求仙得

仙齋主受福幽顯沾恩十方仙童玉女侍衛
蘭煙傳臣向來所啓之誠速達徑御

太上元極大道至真玉皇上帝御前

迴輶頌

靈寶領教濟度金書卷之六十三

靈寶領教濟度金書卷之六十四

洞微高士開光救苦真人竊全真授

靈寶通玄弘教水南先生林靈真編

科儀立成品淨供合用

大獻告札儀

發五

六

靜默堂序立

華夏頌引至壇前

步虛長跪上香

具位臣某誠惶誠恐稽首頓首再拜上言臣
聞九清布化群靈咸遂於生成三洞流光萬

象均依於化育况顛冥於業網尤矜軫於淵
衷敢扣紫霄爰攄丹悃今有齋主某乞就某
處修設玉山淨供遵依大獻靈文普賚幽沉
均超輪轉臣職惟領教理合陳情切慮九趣
三途四生萬類悽悽慘慘化機鼓動於泉關
縮縮寥寥報障循環於冥路非賴帝恩之曲
映曷令鬼爽之高躋頃奏朱章擬特頒於玉
札諒飛丹詔為布告於玄曹茲召役之有期
冀感通之無外欲望慈雲覆廡慧日流明許
微臣如律以宣行勅有司關盟而遵奉下聞

地禁上接天光猶細雨密霧而來普受開度
皆飛空步虛而去不得拘留宇宙春臺乾坤
壽域臣下情不勝伺命之至

八門開度天尊

引札至神虎幕

發五

灑淨

普獻頌

普獻無邊聖 香煙散十方

願乘七寶臺

垂光五濁世 運度人天眾

咸今上法橋

同會證無為 勤修不退轉

伏以上帝垂慈布仁風於八極下愚苦惱希

法雨於九霄故清微宏七部之金書而赤明
演三乘之玉範廣提冥漠丕拯沉淪班列真
曹北魁著雌雄之職恩周冥部東華建左右
之曹有萬司如意之大神有九天普度之官
將追魂攝魄寒庭被照育之仁聚精會神幽
夜沐生成之惠將伸召役盍罄懇祈以今奉
爲其人修設玉山淨供普資幽沉十方三界
市區域以星羅六道四生列寔瀛而綦布欲
宣威於玉札期散惠於金章匪仗威靈曷符
應感輒奉蘋蘩之禮少摠葵藿之恭伏願天

駟載馳雲旌順動恪副再三之禱不違方寸
之私清衆運誠至心奉請

至心奉請北魁玄範府神虎內真倒生玄司
七玉女進魂攝魄官吏陰陽玉札二十
四大將軍靈寶如意萬司主行玉札三

大神追攝諸類傷亡五十二大神九天

普度院追攝諸類傷亡三十六真人三

十六將軍守雄抱雌二大將二玉女四

大神玉清七道功曹玄虛掌六道四生

使者掌九州社令功曹掌十方道功曹

掌山林功曹掌城隍功曹靈寶玄壇諸
司追攝官吏本靖主將合屬官吏惟願
風馬雲車來屆香筵和受茲香花供養

初獻

伏以晨陽赫赫帝頒鳳詔以風行幽夜寥寥

卷五

神領龍章而雷震溥萬聖无私之惠敷九原
有造之仁仰企威靈夙欽聖武佐先天而立
極功典樞機贊太極以開圖籌參帷幄陸離
劍佩曠藹旌旄玉轡凌雲頃刻遍虛无之境
金戈耀日須臾周汗漫之鄉職司追攝之崇

位列班聯之右權衡收在變化難量今有齋
主某人憫念重泉矜憐滯爽遵玄都大獻之
旨設玉山淨供之筵上降天恩下提地魄普
追呼於六道咸嘯命於四生五苦三途九趣
萬類均離陰關而莅止俱朝陽景以超凌請
命帝庭已拜允俞之命敷心神御盍殫懇切
之忱諒宣德以承符必效勤而受事儀不及
物情見乎辭不揆辨香恪祈采贖

亞獻

伏以重泉碧落孰非道炁之提封紫簡丹章

悉藉神威之管領茲遵依於青律庸追攝於
幽關曾奠靈通廓施神變上召玄虛之主執
接引群迷下提黑壤之魂儀超離衆苦或淪
於刀兵疫癘或殞於水火飢荒爰分文武僧
俗之殊勿問士農工商之別有主无主凶終
善終或曠野之游魂或寒林之寄影或悲愁
於地獄或凍餓於冥郊或胎卵濕化之流形
或鱗介羽毛之異性並乘丹綵攝赴玄壇俾
解脫於業緣各逍遙於道岸剋時定令毋違
大道之章起死更生端藉同仁之惠奉奉素

惻切切洪恩

三獻

宣札

宣七玉女符

如意萬司符

九天普度符

諸使者符

宣牒

天章誕布壇律具嚴請密運於神功為速宣
於帝澤凌雲掣電擲火流鈴明檢鬼營勅寒
池而部衛駿奔靈馭開地戶以追呼母負盟
言自干玄憲敢有遏截束送羅艷一如
靈寶玄壇律令

向來今

大獻靈官醮儀

步虛

灑淨

入戶

各禮師存念如法

宣衛靈呪

元始虛皇

集元居中

三境洞香

肇生穹窿

七轉九虛

混合迴風

變化萬神

天地開通

吉日行道

萬魔敬從

晨暉朗照

默運元功

執節建麾

散花太空

十方普慶

劫運元終

和與道合真

鳴法鼓二十四通

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝闢啓玄壇天帝神君當召此間土地里
域真官正神急上闢啓臣今奉爲齋意以今
陞壇行道願得

發五

+

玉清道炁靈寶妙光下降流入臣等身中即
使玄壇清淨內外成真天无氛穢地絕袂塵
琳琅振響十方肅清萬魔不干真誠上徹今

臣所啓之誠速達徑御

太上无極大道至真玉皇上帝御前

請稱法位

具位姓某上啓

靈寶玄局玉山大變神王六龍普變靈官溟

滓大梵靈官破獄司追攝司天醫司監生司

五帝全形司解結司浣濯司巾笥司鍊度司

攝化司變鍊司填掙司給散司合屬仙靈臨

壇受事一切威靈伏聞元始開圖三洞啓金

書之祕虛皇演化九清昭玉範之玄開夜壑

以光明昭寒庭而化育玄曹燮理共揚慧日
之輝丹簡羅敷誕布慈雲之澤故列僚案俾
握機衡化雲厨而妙絕芳鮮破幽闕而追提
攝取九轉顯成人之効五靈昭復質之功蕩
萬古之冤輪洗千生之業網天經地緯迎水
火於南昌陰坎陽離鍊形神於東井凡茲造
化具有司存或列職於紫府玄都或建官於
青玄黃籙上奉三天之令下敷九地之仁儻
際齋修盍伸皈向今齋主其人憐憫業類胥
溺幽冥期垂曠蕩之恩庸拯沉淪之苦故陳

淪祭爰奉靈旂伏望葑菲不遺承天符而來
下葵藿可鑒從民欲以照臨清衆運誠志心
奉請

志心奉請靈寶玄局玉山大變神王六龍普
變靈官溟滓大梵靈官青玄破獄入獄

出幽冥司官吏北魁玄範府倒生玄司
七玉女靈寶如意萬司諸大神九天普
度院三十六真人三十六將軍玉清七
道功曹天醫六職尚藥靈官九天監生
大神主產功曹五方五帝君吏靈寶追

魂聚炁功曹全形功曹混元十二炁化
生大將軍靈寶解冤釋結靈官能談善
說靈官聚魂復魄靈官脫形離苦靈官
玉清攝魂屏穢靈官九鳳破穢靈官五
方解穢官吏天河東井君浣濯夫人靈

寶巾笥司仙吏青玄黃籙金木仙衣玉
女曲度司普度司仙真靈官南昌上官
朱陵火府鍊度仙吏主水主火大將軍
火池水沼使者火鈴靈童黃華玉女擲
火萬里大將軍十二河源大將青玄黃

錄鍊度官吏玄都茭龍金龍驛吏靈寶
攝化司變鍊司填樞司給散司仙靈官
吏臨壇受事一切威靈上遵帝勅下副
况情風馮雲車來臨法會

初獻

發五

十一

伏以傾光迥駕紫清洞煥於天恩監真度生
丹赤皈依於聖力仰惟神武夙著感靈修功
行於五劫之先三靈推戴典樞機於九霄之
上十極宣揚御節鉞以逶迤森佩環而容與
霓章雲綬羽儀端拱於玄班月駟風輪函簿

周流於碧落承恩綸而下邁提苦爽以上征
仁化羅敷德威煥耀今有齋主某人憫茲地
類蕩彼天常遵藥笈之真科建玉山之淨供
尚慮九趣萬類六道四生陰陽寇於生前精
神未復水火考於死後形骸猶羈况冤業之
互縈與塵根之久積魂歸惡趣魄墮畏途非
憑陶冶之神功曷使返還於祖炁囊封露奏
已承楓禁之允俞駟騎風馳諒遍槐庭而播
告願不違於悃幅庸恪副於忱恂

伏以東極慈尊體清微而應化北豐鬼帝拱
紫極以承流玄曹恢廓於威風黑壤皈流於
聖日壇儀告備將開大獻之筵惠澤敷施願
鑒小心之切當局行事列職宣符六龍妙化
於芳筵九鳳肅清於塵宇張門毀鎖振雌雄

提攝之威保真固靈蠲滌榮衛疾傷之患千寬
開悟萬業消鎔蕩陰垢之芬葩復陽靈之精
粹華池澄湛天魔騰玉兔之輝炎治陸離地
魄射金烏之影洗千生之死忝妙八景以生
神穩上法橋徑登道岸庶藉神威之普被共

霑靈貺之旁敷至於異類沉淪久循環於業
趣亦賴同仁拯援俾還復於人身青律森嚴
洪恩赫奕恪期應感不負勲庸

終獻

三獻既周一忱畢露願禱帷之暫駐勒英蕩
以遲留伺臨召役之期重賜提携之德銀潢
散彩玉籟收聲黃道雲開溥十極慈悲之澤
紫垣日近舒群靈功德之光帝有恩言神其
善應其不勝激切屏營伺

命之至

復爐
向來

靈寶領教濟度金書卷之六十四

共
一



